

清源鄉志卷之二

疆域 附沿革八景

清源古梗陽地西控交山東跨汾水亦奧區哉
遐稽歷代或專建或他屬沿革雖殊而封疆域
民所以固吾圉者宜亟考也志疆域附沿革八
景

鄉城在縣治西三十里府西南八十里東至縣治
三十里抵黑石營界十五里南至祁縣六十里抵
北左村界三十里西至交城縣四十里抵夏家營
清源鄉志 卷之二
三
界二十五里北至太原縣四十里抵固驛鎮界八
里東西距四十里南北距三十八里至
京師一千二百里至省八十里

沿革

春秋晉祁氏邑魯昭公二十八年始爲梗陽縣左傳
魏戊爲梗陽大夫杜預云在太原晉陽縣南

漢爲榆次縣之梗陽鄉

晉屬晉陽縣南境榆次縣西境

北魏省榆次入晉陽景明元年復

隋開皇十六年析太原榆次始置清源縣於古梗陽

城舊唐志以縣西北有清源水故名大業初省入晉

陽

唐畿武德元年復置清源隸太原府五代因之

宋次畿

金大定二十九年始析縣東徐溝鎮割梗陽鄉十一

村及平晉縣斷金鄉十三村榆次縣西管鄉四村

為徐溝縣隸太原府興定四年以晉州移治於此

轄徐溝祁縣太谷三縣

清源鄉志

卷之二

四

元州廢復改為縣徐溝下清源隸冀甯道

明二縣同隸太原府

國朝因之乾隆二十九年降清源為鄉入徐溝管轄

謹按實錄開載乾隆二十九年八月戊申吏部議准山西巡撫明德奏清源縣地處偏僻界僅三十里徐溝縣地方不過三十餘里請將清源縣裁汰統歸徐溝縣管轄奉旨依議裁併原案日久無考恭錄實錄所載以誌改鄉之故

按舊志高歡建牙陽曲川梗陽驛子應之是梗

陽舊有驛也徐溝鎮嘗隸清源而為洞渦象峪

泐地驛當在米陽堯城白圭間或曰今徐溝即

梗陽鄉也

梗陽辨 晉滅祁氏魏獻子爲政分其田爲七邑以魏戍爲梗陽大夫此梗陽鄉梗陽城之名所由始也今榆次清源徐溝祁四縣皆祁氏邑也而梗陽之在榆次清源徐溝未覈定址按金大定後乃立徐溝縣前此梗陽鄉一十一村猶西隸清源也考杜注梗陽屬晉陽南索隱則以爲榆次所有括地志與索隱合而後漢志注以梗陽屬晉陽與前漢注屬榆次似小別細覈之

清源鄉志

卷之二

五

則一而已矣古晉陽卽今太原縣也由太原而西南爲清源縣清源而東爲徐溝而由太原而東爲榆次榆次地本廣晉時曾析餘地爲壽陽北魏省入晉陽北齊省入中都仍名榆次後又析晉陽餘地爲清源清源與榆次晉陽錯壤而金時徐溝實分清源榆次地榆次有梗陽其地形本在晉陽南則杜注與索隱括地志初非矛盾而舊唐志云隋於古梗陽城置清源縣元和志云城在清源縣南百二十步瞭如指掌正義

引括地志分晉陽縣置本榆次縣地二語尤爲
貫串此梗陽城之在清源梗陽鄉之在徐溝其
定址可覈者也

形勢

左挹汾河右枕白石地勢平夷土性瀉鹵

舊志

八景

陶唐古蹟

汾河晚渡

東湖夜月

西嶺香巖

中隱環青

平泉流碧

白石雲松

青堆煙草

按舊志共十六景刪之以成八景此外尙有淨

清源鄉志

卷之二

六

梵晨鐘別墅池塘講堂琴韻平巒積翠上淨西
涼山寺槐陰長隄柳浪里克遺祠茲不錄